



# SALA DAL CUSSEGL GROND 2012

Installaziun dal sistem da votaziun electronic e renovaziun | Avrìgl enfin avust 2012

# Installaziun dal sistem da votaziun electronic e renovaziun da la sala dal cussegl grond

## Istorgia

L'anterior arsenal, oz edifizì dal cussegl grond e teater Cuira, è vegnì costruì dal 1861 fin al 1863 da Johannes Ludwig per remplazzar l'arsenal „im Steinbruch“ ch'era ars giu l'onn 1859. Sut la direcziun da l'architect Martin Risch è el vegnì transformà l'onn 1959 a la sala dal cussegl grond ed al teater da la citad. Ils onns 1992/93 è l'edifizì dal cussegl grond vegnì adattà da l'architecta Monika Brügger als basegns da quella giada. L'access che tegna quint dals basegns da las personas impedidas e la nova concepziun da l'entrada principala cumbinada cun quai ha realisà l'onn 2009 l'architect Valerio Olgiati.

En la sessiun da decembar 2011 ha il cussegl grond approvà in credit tenor il preventiv da 2,6 milliuns francs per realisar in sistem da votaziun e da conferenza. La realisaziun dal sistem ha pretendì numerusas novaziuns e modernisaziuns tecnicass sco er adattaziuns sin fundament da las novas prescripziuns legalas e pervia dals basegns midads da l'utilisaziun.

## Project

Las lavurs da construcziun voluminusas e pretensiusas èn vegnidas realisadas tranter la sessiun d'avrigl e quella d'avust 2012. Il manaschi dal cussegl e la sessiun extra muros il zercladur a Samignun han determinà la perioda da construcziun da 4 mais.

Il sistem da votaziun e da microfon è vegnì integrà en ils plazs da lavur da las deputadas e dals deputads. Sin displays en la sala dal cussegl grond, sin la tribuna sco er en il foyer vegnan preschentadas las debattas ed ils resultats da las

votaziuns. La regulaziun dal sistem da votaziun ha lieu al plaz da lavur dal presidi dal cussegl grond, resp. da l'actuar. Da nov posseda la sala ina tecnica da projectaziun moderna ed ina rait senza cabel per l'access a l'internet. Tut las installaziuns existentas da current ferm e da current debel èn vegnidas renovadas ed adattadas als basegns actuals. L'emissiun dal tun è vegnida concepida da nov ed integrada en il palantschieu sura. Cun installar revestgiments adattads en il palantschieu sura ed en las paraids han ins er pudì meglierar l'acustica. Las intervenziuns architectonicas vi da las paraids ed il remplazzament da las fanestras ha permess d'installar supplementarmain ina isolaziun cunter la chalur. Il sistem da regulaziun da l'edifizì permetta da controllar la tecnica da chasa, l'illuminaziun e l'indriz da stgirentar. Part da la sanaziun èn er stadas mesiras da la tecnica da segirezza, sco la montascha d'in detectur d'incendi.





### **Nova concepziun**

La basa per il concept da las colurs è il maletg da paraid dad Alois Carigiet che datescha dals onns 1958 fin 1960. Las 4 nianzas da colur, in tun da mesch sin il palantschieu sura, in tun d'umbra pli cler e pli stgir vi da las paraids sco er in cotschen da Burgogna sin la tribuna dat-

tan a la sala ina atmosfera agreabla ed amicabla e rinforzan l'effect dal maletg da paraid. La colur da las mobiglias è decenta.

Oz posseda la sala dal cussegl grond ina illuminaziun nova e represchentativa, cun efficienza energetica. Il candelaber

che penda accentuescha la concepziun architectonica centrada da la sala. L'art a l'edifizi existent vegn illuminà cun agid da glischs integradas en la paraid e survegn dapli preschientscha e significaziun tras quai.

# Cronologia

cumenzament da la planisaziun  
approvaziun dal credit  
planisaziun d'execuziun  
ultima sessiun en la sala „veglia“  
cumenzament da las lavurs  
fin da las lavurs  
cumprima sessiun en la sala „nova“

Stad 2011  
December 2011  
December 2011  
Avrigl 2012  
23 d'avrigl 2012  
24 d'avust 2012  
Avust 2012

Custs  
Patrun da construcziun  
Represchentant  
Accumpagnament

2,6 milliuns francs  
Chantun Grischun  
Uffizi da construcziun auta dal Grischun  
Tgira da monuments dal Grischun

Architect/planisader

Rudolf Fontana & partenaris SA, Domat  
Concept da las colurs: Andrea Burkhard, Turitg  
Inschigner da construcziun: T. Cavigelli SA, Domat  
Electroinschigner: Elkom partenaris SA, Cuira  
Illuminaziun: Josef Michael Heusi, Turitg  
Sistems audiovisuals: Walters-Storyk Design Group ScRL, Basilea  
Inschigner da tecnica da chasa: Amstein + Walthert SA, Cuira  
Fisica da construcziun: Pernette & Wilhelm ScRL, Maiavilla

